



Montenegro

Nacionalna i regulativa EU o vatrenom oružju u
posjedu građana
(Uporedno-pravna analiza)

IZVJEŠTAJ SASTAVIO: mr MARKO IVKOVIĆ

Kratak uvod sa najvažnijim preporukama za izmjenu nacionalnog zakonodavstva

Integracija države Crne Gore u Evropsku Uniju podrazumijeva reformu nacionalnog zakonodavstva, odnosno njegovo usaglašavanje sa tzv. EU *Acquis Communautaire* - korpusom prava koji sve države članice EU moraju usvojiti i primijeniti.

Direktiva Evropskog savjeta o kontroli, nabavci i posjedovanju oružja usvojena 18.06. 1991 (Direktiva ES 91/477/EEC) predstavlja dio tzv. EU *Acquis Communautaire* koji se odnosi na kratko oružje i lako naoružanje (SALW). Ova direktiva predviđa minimum standarda koji moraju biti ispunjeni kada se radi o posjedovanju i nabavci oružje od strane građana, kao i o transportu naoružanja u posjedu građana u okviru zemalja Evropske Unije.

Ovaj izvještaj ima za cilj da pomogne Vladi Republike Crne Gore da uskladi Zakon o oružju iz 2004. godine sa Direktivom ES o kontroli nabavke i posjedovanja oružja.

Radi usaglašavanja propisa nacionalnog zakonodavstva sa standardima EU Direktive 91/477/EEC potrebno je u najkraćem učiniti sljedeće:

- 1. Izvršiti izmjene i dopune Zakona o oružju u dijelu koji se odnosi na klasifikaciju oružja t.j. klasifikovati vrste oružje u kategorije A, B, C i D u skladu sa minimalnim standardima Direktive 91/477/EEC.**
- 2. Propisati formu i sadržinu of "European Firearm Pass" (Evropska propusnica za vatreno oružje) koja predstavlja ispravu kojom lice dokazuje da u skladu sa zakonom posjeduje i koristi oružje.**
- 3. Propisati obavezu privrednih društava i preduzeća da vode tzv. Registar o posjedovanju i nabavci oružja, kao i obavezu države da vrši redovnu kontrolu u pogledu poštovanja ovog propisa**
- 4. Predvidjeti obavezu države da razmjenjuje informacije sa ostalim državama članicama u pogledu transfera oružja, kao i obavezu priključenja već postojećoj mreži za razmjenu informacija koja je osnovana od strane država članica EU.**
- 5. Propisati obavezu obilježavanja oružja za koje se vrši transfer kako bi oružje lakše moglo biti identifikovano, kao i obavezu da oružje prođe provjeru u skladu sa Konvencijom o uzajamnom priznanju obilježavanja kratkog oružja potpisanom 01.07.1969.**
- 6. Predvidjeti nesto fleksibilnija pravila, a skladu sa Direktivom, koja se odnose na lov i streljaštvo da se ne bi ograničavalo slobodno kretanje ljudi više nego što je to neophodno.**
- 7. Predvidjeti mogućnost države da zaključuje sporazume o međusobnom priznanju nacionalnih propisa sa drugim državama članicama EU, kojima se može uspostaviti fleksibilnija pravila za kretanje lica koja su u posjedu oružja.**

8. Država može propisati strožija pravila za držanje i nabavku oružja u odnosu na odredbe Direktive 91/477/EEC. Direktiva predviđa samo minimalne standarde koji moraju biti ispunjeni od strane svake države članice.

Gore navedene tačke predstavljaju osnovne preporuke za usklađivanje odredbi nacionalnog zakonodavstva sa odredbama EU Direktive 91/477/EEC, a u pogledu posjedovanja i nabavke oružja, do kojih se došlo na osnovu pravne analize i komparacije ova dva akta.

U tekstu koji slijedi je izvršena analiza Zakona o oružju Republike Crne Gore i Direktive 91/477/EEC, njihova komparacija, kao i preporuke za izmjenu nacionalnog zakonodavstva. Radi sticanja lakšeg uvida o ključnim odredbama oba ova akta, kao i o preporukama za njihovo usaglašavanje u prilogu ovog izvještaja nalaze se i 3 tabelarna prikaza.

1. Direktiva Savjeta EU o kontroli nabavke i posjedovanja vatrenog oružja (91/477/EEC) od 18.06.1991.

Sporazum o osnivanju Evropske ekonomske zajednice predviđa između ostalog osnivanje tržišta kojeg sačinjava oblast bez unutrašnjih granica gdje je osiguran slobodan protok roba, usluga, kapitala i ljudi. Potpuno ukidanje kontrola i graničnih formalnosti na granicama Zajednice pretpostavlja ispunjavanje elementarnih preduslova koji se odnose na bezbjednost i sigurnost, a između ostalog i usaglašavanje zakonodavstva o oružju.

Svaka država članica mora u svom nacionalnom pravnom okviru razviti i realizovati efikasne mehanizme koji će joj omogućiti kontrolu nad nabavkom, posjedovanjem i transferom oružja u drugu državu članicu. Kvalitetna primjena tih mehanizama dovodi do ukidanja sistematske kontrole na granicama Zajednice i olakšanog protoka roba, usluga, kapitala i ljudi.

Da bi se ostvarilo uzajamno povjerenje među državama članicama u pogledu zaštite i bezbjednosti lica od velike je važnosti usaglasiti zakon o oružju sa propisima EU u pogledu kontrole nabavke i posjedovanja oružja. To, između ostalog, podrazumijeva ostvarivanje jedinstvenog sistema klasifikacije oružja čije je posjedovanje i nabavka od strane fizičkih lica zabranjeno, ili je za nabavku i posjedovanje oružja potrebno odobrenje ili prijava nadležnom organu. Uslovi za posjedovanje i nabavku municije su isti kao i za posjedovanje i nabavku oružja za koje se ta municija koristi.

U smislu ove Direktive, u principu, je zabranjen prelazak iz jedne u drugu državu članicu lica koje je u posjedu oružja. Odstupanje od ovog pravila je dozvoljeno jedino ako je primjenjena procedura koja omogućava državi članici da bude obaviještena da oružje treba biti unešeno na njenu teritoriju.

U svakom slučaju fleksibilnija pravila treba da važe kada se radi o lovu i streljaštvu, a da bi se izbjeglo ograničavanje slobode kretanja lica više nego je to neophodno.

Naravno, svaka država ima pravo da preduzme mjere da spriječi nezakonitu trgovinu oružjem, a ova Direktiva ne zadire u ta prava svake države članice.

Direktiva se ne primjenjuje na nabavku i posjedovanje oružja i municije kada se radi o:

- Oružanim snagama, policiji ili državnim organima
- Kolekcionarima ili institucijama koji se bave istorijskim i kulturnim aspektima oružja i koji su kao takvi priznati u državama članicama gdje su ustanovljeni
- Komercijalnim transferima oružja i municije

2. KATEGORIZACIJA VATRENOG ORUŽJA ČIJA SU NABAVKA I POSJEDOVANJE OD STRANE FIZIČKOG LICA ZABRANJENI, ILI JE ZA NJIH POTREBNO ODOBRENJE ILI PRIJAVA NADLEŽNIM ORGANIMA

Budući da se kategorizacija vatrenog oružja provlači od samog početka kroz cijeli tekst Direktive 91/477/EEC, te da su odredbe ove Direktive vezane za kategorije vatrenog oružja,

najsvrsishodnije je na samom početku analizirati kategorije vatrenog oružja u skladu sa Direktivom i uporediti ih sa odredbama Zakona o oružju Republike Crne Gore.

Direktiva pravi jasnu razliku među vatrenim oružjem čija je nabavka i posjedovanje od strane fizičkih lica zabranjena, odnosno oružjem za čiju nabavku i posjedovanje je potrebno odobrenje ili prijava nadležnom organu. Te se tako u Aneksu I Direktive navodi:

Aneks I

- I. U smislu ove Direktive, riječ "oružje" znači:
 - Svako vatreno oružje definisano u dijelu II Aneksa
 - Drugo oružje, osim vatrenog, kako je to predviđeno nacionalnim zakonodavstvom

- II. U smislu ove Direktive, riječ "vatreno oružje" znači:
 - A. Svaki predmet koji spada u jednu od sljedećih kategorija, osim u slučaju da zadovoljava definiciju ali je ipak isključen iz razloga navedenih u dijelu III.

Kategorija A – Zabranjeno vatreno oružje

1. Eksplozivni vojni projektili i spaljivači
2. Automatsko vatreno oružje
3. Vatreno oružje koje je zamaskirano u neke druge objekte
4. Municija sa prodornim, eksplozivnim ili zapaljivim projektilima, i projektili za tu municiju
5. Municija za pištolj i revolver sa projektilima i projektili za takvu municiju, osim kada se radi o oružju za lov ili streljaštvo za lica koja imaju odobrenje da ih koriste

Kategorija B- vatreno oružje za koje je potrebno odobrenje

1. Polu-automatsko ili repetirajuće kratko vatreno oružje
2. Kratko vatreno oružje sa za jedinačnu paljbu sa kapislom za paljenje čija ukupna dužina ne prelazi 28 cm.
3. Poluatomatsko dugo oružje čiji magacin i komora mogu ispaliti više od tri puta.
4. Polu-automatsko dugo vatreno oružje čiji magacin i komora ne mogu imati više od 3 metka, pri čemu je okvir za municiju moguće ukloniti, ili gdje nije sigurno da li je moguće oružje promijeniti sa običnim alatom, u oružje čiji magacin i komora mogu ispaliti više od tri puta
5. Repetirajuće i polu-automatsko dugo oružje čija cijev nije duža od 60 cm.
6. Polu-automatsko vatreno oružje za civilnu upotrebu koje je slično oružju sa automatskim mehanizmom.

Kategorija C – Vatreno oružje za koje je potrebna prijava nadležnom organu

1. Repetirajuće dugo vatreno oružje, osim onog navedenog pod kategorijom B, tačka 6
2. Dugo vatreno oružje sa cijevima za pojedinačnu paljbu
3. Polu-automatsko dugo vatreno oružje osim onog navedenog pod kategorijom B, tačke od 4 do 7
4. Kratko vatreno oružje za pojedinačnu paljbu sa kapislom za paljenje čija ukupna dužina ne prelazi 28 cm

Kategorija D- Ostalo vatreno oružje

Dugo vatreno oružje za pojedinačnu paljbu sa cijevima sa glatkom unutrašnjošću

B. Značajne komponente vatrenog oružja:

Zatvarač, komora i cijev su posebni dijelovi koji su uključeni u kategoriju vatrenog oružja čiji su sastavni dio.

III. U smislu ovog Aneksa, predmeti koji ispunjavaju uslove predviđene definicijom "vatreno oružje" neće potpadati pod definiciju ukoliko:

- a) Su privremeno načinjeni neupotrebljivim prilikom primjene tehničke procedure koje zvanični organ garantuje i priznaje
- b) Su namjenjeni za alarm, signalizaciju, spašavanje života, ubijanje životinja, ribolov uz korišćenje harpuna, ili u industrijske ili tehničke svrhe ali pod uslovom da se upotrebljavaju samo u navedene svrhe
- c) Se smatraju starim oružjem, ili reprodukcijama istog kada oni nisu uključeni u prethodne kategorije i podliježu nacionalnom zakonodavstvu

Kategorija A - "Zabranjeno oružje", nacionalno zakonodavstvo, odnosno posmatrani zakon o oružju ispunjava minimalne standarde Direktive jer pominje svih pet vrsta oružja iz kategorije A, čije je nabavka, držanje, nošenje, proizvodnja, popravljanje, prepravljanje, promet i prevoz zabranjeno.¹

Zakon o oružju Crne Gore predviđa ukupno deset vrsta oružja koje spadaju u kategoriju zabranjenog uključujući pet navedenih iz Direktive. Vrste oružja koje su zabranjene i koje su u skladu sa Direktivom, nisu identično formulisane i istim redosledom utvrđene kao u Direktivi, ali se nedvosmisleno može utvrditi da se radi o istoj vrsti oružja.²

Članom 12. predviđa se mogućnost da Ministarstvo može propisati i zabranu nabavke, držanja, nošenja, proizvodnje, popravljanja, prepravljanja, prevoza ili stavljanja u promet *i drugog oružja*, ako to zahtjevaju posebni razlozi bezbjednosti ili zaštita javnog poretka.

Kategorija B - "Oružje za koje je potrebno odobrenje" Zakon o oružju Republike Crne Gore u Glavi II, pod stavom 1. Nabavka oružja, reguliše oružje čija se nabavka može izvršiti jedino na

¹ Član 12., Zakon o oružju RCG (*Službeni list RCG*, 49/2004, 27.07.2004.)

² Pogledaj u prilogu tabelu br.1

osnovu odobrenja nadležnog organa za poslove oružja: "vatreno oružje i samostrijeli sa silom natege većom od 45 kg (100 funti) mogu se nabavljati isključivo na osnovu odobrenja"³.

U članu 16. ovog zakona se dalje pominje oružje čija nabavka se može odobriti: "nabavka vatrenog oružja sa projektilom punjenim omamljujućim materijalom, radi privremenog omamljivanja životinja, može se odobriti naučnim institucijama, državnim organima i drugim pravnim i fizičkim licima radi naučnog istraživanja i prikupljanja stručnih podataka o životinjskim vrstama, zaštite životinja, kao i u drugim opravdanim slučajevima kada je to neophodno za obavljanje redovne djelatnosti"⁴

U članu 24. se navodi: "municiju za vatreno oružje fizička lica mogu nabaviti na osnovu oružnog lista, a privredna društva i preduzetnici na osnovu odobrenja za držanje oružja, ako ovim zakon nije drukčije određeno"⁵

Član 32 stav 2. propisuje da je "za nabavku, držanje, sakupljanje više od tri primjerka starog oružja potrebno odobrenje za sakupljanje starog oružja"⁶. dalje član 33 propisuje da: "fizičko lice kojem je izdato odobrenje za sakupljanje oružja može, pored starog oružja, sakupljati i hladno oružje, automatsko i poluautomatsko oružje koje više nije u naoružanju oružanih snaga ili policije, a trajno je onesposobljeno za upotrebu"⁷

Više članova zakona reguliše način izdavanje odobrenja, dokumentaciju koju je potrebno podneti za izdavanje dozvole, sadržaj zahtjeva za izdavanje odobrenja, kada se izdavanje dozvole može odbiti, itd, govoreći o predmetu nabavke opštom formulacijom "oružje i municija".⁸

Kategorija C - "oružje za koje je potrebna prijava nadležnom organu", Zakon o oružju ne predviđa konkretno nijednu vrstu oružja iz kategorije C, odnosno oružja za koje je potrebna prijava nadležnom organu.. Zakon u nekoliko članova predviđa obavezu fizičkog lica da o oružju obavijesti nadležni organ ili ga prijavi istom: "Vlasnik oružja koji napušta mjesto prebivališta duže od tri mjeseca, a oružje i municiju koji se prema ovom zakonu mogu držati na osnovu oružnog lista ne nosi sa sobom, dužan je da ih preda na čuvanje licu koje ima pravo držanja ili nošenja takvog oružja. Vlasnik oružja dužan je da, u slučaju iz stava 1 ovog člana, o predaji oružja i municije na čuvanje obavijesti nadležni organ u roku od 8 dana od dana predaje."⁹

Zakon takođe predviđa obavezu vlasnika oružja da prijavi gubitak ili krađu oružja¹⁰, kao i obavezu prijavljivanja nadležnom organu nestalog ili nađenog oružja¹¹.

³ Glava II, Nabavka, držanje, nošenje oružja i municije i sakupljanje oružja, 1.Nabavka oružja, Odobrenje za nabavku oružja, Zakon o oružju RCG (Službeni list RCG, 49/2004, 27.07.2004.)

⁴ Član 16., Nabavka oružja sa omamljujućim materijalom, Zakon o oružju RCG (Službeni list RCG, 49/2004, 27.07.2004.)

⁵ Član 24, Nabavka municije, Zakon o oružju RCG (Službeni list RCG, 49/2004, 27.07.2004.)

⁶ Član 32, Sakupljanje starog oružja, Zakon o oružju RCG (Službeni list RCG, 49/2004, 27.07.2004.)

⁷ Član 33, Sakupljanje automatskog i poluautomatskog oružja, Zakon o oružju RCG (Službeni list RCG, 49/2004, 27.07.2004.)

⁸ Član 59 i 60, Zakon o oružju RCG (Službeni list RCG, 49/2004, 27.07.2004.)

⁹ Član 42. Predaja oružja na čuvanje, Zakon o oružju RCG (Službeni list RCG, 49/2004, 27.07.2004.)

¹⁰ Član 43, Gubitak i krađa oružja, Zakon o oružju RCG (Službeni list RCG, 49/2004, 27.07.2004.)

Propisana je i obaveza lica kome je izdata isprava o oružju a koje je promijenilo prebivalište ili boravište da po dolasku u novo mjesto prebivališta, odnosno sjedišta prijavi oružje nadležnom organu radi registracije.¹²

Rezime i preporuke

Kada je u pitanju kategorija A odnosno kategorija "zabranjeno oružje", može se zaključiti da je taj dio Zakona o oružju usklađen sa Direktivom 91/477/EEC, te ne samo da ispunjava minimalne standarde ove Direktive nego propisuje još 5 vrsta oružja čija je nabavka i posjedovanje zabranjeno. Vrsta oružja koja je Zakonom zabranjena je nesumnjivo ista ona vrsta oružja iz kategorije A Direktive, ali bi bilo preporučljivo upotrebiti istu formulaciju oružja u skladu sa Direktivom, da ne bi došlo do eventualnih nejasnoća ili arbitrarnog tumačenja.

Zaključak koji važi za kategoriju A nikako ne važi za kategorije B i C odnosno kategorije "oružja za koje je potrebno odobrenje" i "oružje za koje je potrebna prijava nadležnom organu".

Što se tiče oružja iz kategorije B zakon ne predviđa jasnu listu vrsta oružja za koje čiju nabavku i posjedovanje je potrebno odobrenje, već oružje koje podliježe ovoj obavezi zakonodavac pominje u nekoliko članova.

Ukoliko bi se na osnovu Zakona o oružju Republike Crne Gore pokušala napraviti lista oružja za čije posjedovanje i nabavku je potrebno odobrenje, onda bi ta lista izgledala ovako:

- vatreno oružje i samostrijeli sa silom natege većom od 45 kg (100 funti),
- vatreno oružje sa projektilom punjenim omamljujucim materijalom (za omamljivanje životinja i u naučne svrhe),
- staro oružje (u slučaju skupljanja više od tri primjerka ovog oružja),
- hladno oružje, automatsko i poluautomatsko oružje koje više nije u naoružanju oružanih snaga ili policije, a trajno je onesposobljeno za upotrebu (ukoliko već posjeduje odobrenje za skupljanje starog oružja),
- municija za vatreno oružje

Upoređivanje ovako načinjene liste oružja za koje je potrebno odobrenje, na osnovu zakona o oružju RCG, sa vrstama oružja iz iste kategorije Direktive lako se može utvrditi da postojeći zakon ne ispunjava minimalne standarde Direktive. Preporučljivo je da se lista postojećih vrsta oružja za koje je potrebno odobrenje proširi vrstama oružja koje potpadaju pod ovu kategoriju u skladu sa standardima Direktive. Tako će se na jasan način i na jednom mjestu nabrojati sve vrste oružja koje u nacionalnom zakonodavstvu potpadaju pod kategoriju oružja za čiju nabavku i posjedovanje je potrebno odobrenje.

Što se tiče kategorije C - "oružje koje je potrebno prijaviti nadležnom organu", Zakon o oružju ne navodi niti jednu vrstu oružja koje potpada pod ovu kategoriju, već navodi situacije u kojima je fizičko lice dužno da obavijesti nadležni organ ili da prijavi nadležnom organu nabavku i posjedovanje, gdje je predmet ovih radnji naveden opštom formulacijom "oružje".

¹¹ Član 44, Postupak sa nestalim i nađenim oružjem, . Zakon o oružju RCG (*Službeni list RCG*, 49/2004, 27.07.2004.)

¹² Član 45, Promjena prebivališta ili sjedišta, . Zakon o oružju RCG (*Službeni list RCG*, 49/2004, 27.07.2004.)

Neophodno napraviti listu oružja koje je subjekt prijave nadležnom organu, a u skladu sa Direktivom, i tako ispuniti barem minimalne standarde Direktive u pogledu ove kategorije oružja.

Direktiva naglasava da države članice propisuju obaveznu prijavu svih vrsta vatrenog oružja navedenih pod kategorijom C koji se nalaze na njenoj teritoriji, a koje nisu prethodno bila prijavljena u roku od godinu dana od stupanja na snagu nacionalnih odredbi u skladu sa ovom Direktivom.

Zakonom nije regulisana kategorija oružja D- "ostalo oružje", te i ovu kategoriju oružja treba uvesti u nacionalno zakonodavstvo u skladu sa standardima Direktive 91/477/EEC.

"Evropska propusnica za vatreno oružje"

Direktiva Savjeta 91/477/EEC o kontroli nabavke i posjedovanja oružja, kao jedan od standarda koji treba biti regulisan od strane država članica EU, predviđa uvodjenje tzv. "Evropske propusnice za vatreno oružje".

Evropska propusnica za vatreno oružje je isprava koja se izdaje na zahtjev koji se podnosi organima države članice licu koje zakonito posjeduje i koristi vatreno oružje. Period važenja ove propusnice je najduže pet godina, ali taj period može biti produžen. Ukoliko je samo oružje iz kategorije D navedeno u propusnici, u tom slučaju je najduzi period važenja deset godina. Evropska propusnica za vatreno oružje se ne može prenijeti na drugo lice, a lice koje koristi oružje uvijek mora uz oružje nositi i ovu propusnicu. Promjene u posjedovanju ili karakteristikama vatrenog oružja moraju biti navedene u propusnici, kao gubitak ili krađa vatrenog oružja.¹³

Evropska propusnica za vatreno oružje mora sadržati sljedeće podatke:¹⁴

- a) podaci o vlasniku;
- b) identifikaciju oružja ili vatrenog oružja uključujući podatak kojoj kategoriji to oružje pripada u smislu ove Direktive;
- c) period važenja propusnice;
- d) dio koji popunjava država članica koja izdaje propusnicu (vrsta i reference odobrenja itd.);
- e) dio koji popunjavaju druge države članice (odobrenje za ulazak u njihove teritorije itd.)
- f) izjave:

- Da bi se ostvarilo pravo putovanja u drugu državu članicu, osobe koja je u posjedu jednog ili više oružja iz kategorija B, C i D koja su navedena u propusnici, neophodno je prethodno dobiti odgovarajuća odobrenja od država članica u koje se putuje. Ovo ili ova odobrenja se mogu evidentirati u propusnici.

- Prethodno odobrenje pomenuto u gornjem tekstu, u principu, nije potrebno ako lice putuje sa vatrenim oružjem iz kategorija C i D da bi se bavilo lovom ili za vatreno oružje iz kategorija B, C ili D ukoliko lice učestvuje u streljaštvu, pod uslovom da to lice koje putuje posjeduje Evropsku propusnicu za vatreno oružje i da su navedeni razlozi putovanja.¹⁵

¹³ Član 1, stav 4, Direktiva Savjeta EU, o kontroli nabavke i posjedovanja oružja, 91/477/EEC 18.06.1991.

¹⁴ Aneks II, Direktiva Savjeta EU, o kontroli nabavke i posjedovanja oružja, 91/477/EEC 18.06.1991.

¹⁵ Ibid

-Ako je država članica obavjestila drugu državu članicu, u skladu sa članom 8, stav 3, da je posjedovanje određenog vatrenog oružja iz kategorija B, C ili D zabranjeno, ili je za njega potrebno odobrenje, potrebno je dodati jednu od sljedećih rečenica:

- putovanje u(Država/e u koju se putuje) sa oružjem...../identifikacija/ je zabranjeno
- putovanje u(Država/e u koju se putuje) sa oružjem...../identifikacija/ zahteva izdavanje odobrenja

Rezime i preporuke:

Evropska propusnica za vatreno oružje isprava koju izdaje država članica i kojom se potvrđuje da lice na koga glasi zakonito posjeduje i upotrebljava oružje. Lice kojem je izdata mora uvijek biti u posjedu ovog dokumenta kada oružje koristi a propusnicu ne može prenijeti na drugo lice. Sa ovom ispravom se može putovati u druge zemlje članice, ali za oružje koje se unosi u drugu državu mora postojati prethodno odobrenje te države, a ta potvrda mora biti navedena u Evropskoj propusnici za vatreno oružje.

Evropska propusnica za vatreno oružje predstavlja jedan od minimalnih standarda čija forma i sadržina moraju biti ispunjeni od svake države članice. Ova propusnica obezbjeđuje olakšano putovanje među državama članicama. Nešto drugačija pravila važe za oružje koja služe za lov ili streljaštvo, što je u gornjem tekstu detaljno elaborisano, a u cilju izbjegavanja ograničavanja slobodnog kretanje ljudi više nego što je to potrebno.

Da bi ispunila minimalne standarde u pogledu odredbi Direktive nacionalnim zakonodavstvom mora biti predviđeno uvođenje Evropske propusnice za vatreno oružje čija će forma i sadržina korespondirati sa standardima Direktive koji su prethodno navedeni. Budući da je Evropska propusnica za vatreno oružje vezana za kategorije oružja za koje se izdaje, prevashodno se mora izvršiti kategorizacija oružja u skladu sa odredbama Direktive, pa tek onda pristupiti propisivanju forme ove propusnice u okviru nacionalnog zakonodavstva.

• **Nabavka i posjedovanje vatrenog oružja od strane fizičkog lica**

Direktiva 91/477/EEC propisuje da država članica može dozvoliti nabavku i posjedovanje vatrenog oružja iz kategorije B licima koji za to imaju opravdan razlog i koja:

- a) imaju 18 ili više godina, za lov i streljaštvo
- b) neće dovesti u opasnost sebe, javni red i javnu bezbjednost

Takođe je propisano da država članica odobrava posjedovanje oružja iz kategorija C i D samo onim licima koja zadovoljavaju uslove iz tačke a), te da se može oduzeti dozvola za posjedovanje oružja ako neki od uslova iz tačke b) nije zadovoljen.¹⁶

Zakon o oružju RCG ispunjava minimalne standarde iz Direktive kada se govori o uslovima za izdavanje odobrenja za nabavku oružja fizičkom licu. Zakon o oružju predviđa veći broj uslova koji moraju biti ispunjeni prije nego što se odobri dozvola za nabavku i nošenje oružja.

¹⁶ Član 5, Direktiva Savjeta EU o kontroli nabavke i posjedovanja oružja 91/477/EEC, 18.06.1991.

Uslovi su detaljno navedeni u članovima 17, 18, 19 i 20 Zakona o oružju i svode se ukratko na sledeće: da je lice navršilo 21 godinu, da se protiv njega ne vodi krivični ili prekršajni postupak i da nije osuđen u tim postupcima, da ne postoje okolnosti koje ukazuju na to da će oružje biti zloupotrebjeno, da postoje opravdani razlozi za nabavku oružja, uvjerenje o zdravstvenoj sposobnosti i uvjerenje o obučenosti u rukovanju oružjem. Zakonom je regulisano da isprava o oružju može biti oduzeta od strane nadležnog organa ako nastupi neka od smetnji usled neispunjena gore navedenih uslova.

Međutim zakonom nisu jasno predviđene ni kategorisane vrste oružja za čiju nabavku i posjedovanje se fizičkom licu izdaje dozvola. U članu 20. Zakona o oružju koji govori o uvjerenju o obučenosti za rukovanje oružjem, koji je jedan od uslova koje treba ispuniti, pominju se tri vrste oružje za koje je potrebna obučenost u rukovanju, i to:

- za lovacko oružje- uvjerenje o položenom lovačkom ispitu
- za sportsko oružje- uvjerenje sportske streljačke organizacije o aktivnom članstvu u sportskoj streljačkoj organizaciji
- za kratko vatreno oružje- uvjerenje o osposobljenosti za držanje i nošenje i pravilnu upotrebu oružja koju izdaje Ministarstvo
-

Iz zakona se ne može steći jasan uvid da li izdavanje odobrenja za nabavku oružja fizičkom licu važi samo za ove tri vrste oružja ili ono obuhvata sve ostalo oružje čija nabavka i posjedovanje nije zabranjeno?

Rezime i preporuke:

Zakon predviđa veliki broj uslova koji trebaju biti ispunjeni da bi nadležni organ izdao dozvolu za nabavku oružja i ti uslovi u potpunosti korespondiraju sa minimalnim standardima Direktive i nadilaze ih.

Međutim predmet nabavke se generalno svodi na opštu formulaciju "oružje", osim u pogledu uslova koji se tiču obučenosti za rukovanje oružjem, gdje je tačno navedeno za koje vrste oružja se odnosi ovaj uslov.

Preporuka se odnosi na utvrđivanje jasne liste oružja za čiju nabavku i posjedovanje fizičkom licu se može izdati dozvola, kako ne bi došlo do eventualnih arbitrarnih tumačenja odredbi zakona.

• Nabavka i posjedovanje vatrenog oružja od strane dilera ili trgovca

Direktiva propisuje obavezu države članice da za kategorije oružja A i B provjeri barem privatni i profesionalni integritet dilera prije nego mu izda dozvolu za obavljanje aktivnosti. Ukoliko se aktivnost dilera svodi na kategorije oružja B i C, ova aktivnost mora biti barem prijavljena nadležnom organu ukoliko država već ne propisuje obaveze izdavanja odobrenja.

Direktivom se takođe zahtjeva od dilera da vodi evidenciju u pogledu informacija koje se tiču vatrenog oružja klasifikovanog u kategorije A, B ili C, koje diler prima i kojima raspolaže, uključujući i podatke koji omogućavaju identifikaciju oružja, model, kalibar i serijski broj

oružja, i imena i adrese dobavljača i lica koje kupuje oružje. Direktiva predviđa takođe i obavezu za državu članicu da redovno vrši provjeru aktivnosti dilera, u skladu sa ovom obavezom, kao i obavezu dilera da čuva evidenciju u periodu od pet godina čak i kada prestane da se bavi tom djelatnošću.

Zakonom o oružju RCG predviđeno je da se za nabavku oružja privrednim društvima i preduzetnicima izdaje odobrenje radi obavljanja djelatnosti. Zakon predviđa formu odobrenja za obavljanje djelatnosti, ali ne specificuje kategorije oružja za koje je izdaje ovo odobrenje¹⁷, nabavka municije može se odobriti na osnovu odobrenja za držanje oružja.¹⁸ Takođe predviđena obaveza ovlašćenog trgovca oružjem da o prodaji oružja obavijesti nadležni organ najkasnije u roku od 8 dana, od dana prodaje oružja.¹⁹

Rezime i preporuke:

Iz gore navedenog se može zaključiti da domaće zakonodavstvo predviđa da je za nabavku i posjedovanje vatrenog oružja od strane privrednih društava i preduzetnika potrebno odobrenje što zadovoljava minimalne standarde. Međutim kao i prethodnom nije navedena tačna kategorija oružja za koje je odobrenje potrebno. Zakonodavac takođe ne predviđa obavezu vođenja registra o vatrenom oružju koje je on primio ili kojim raspolaže, a sa tim u vezi ne predviđa ni obaveze označavanja oružja koje omogućava identifikaciju oružja, imena i adresa dobavljača i lica koje kupuje oružje.

Radi usaglašavanja sa minimalnim standardima Direktive neophodno je predvidjeti obavezu privrednog društva ili preduzetnika da redovno vodi registar o vatrenom oružju koje nabavlja ili posjeduje sa takvim detaljima koji mogu pomoći prilikom identifikovanja vatrenog oružja o kojem se radi, kao i podatke o dobavljačima i licu koje kupuje oružje. U skladu sa prethodno načinjenom klasifikacijom vatrenog oružja neophodno je označiti na koje vrste vatrenog oružja se ove obaveze konkretno odnose.

Transfer i predaja vatrenog oružja

Direktiva Savjeta EU 91/477/EEC o kontroli nabavke i posjedovanja oružja velikim brojem odredbi posvećuje posebnu pažnju transferu ili predaji oružja između država članica, praveći posebnu razliku da li je lice koje vrši nabavku ili posjedovanje oružja rezident ili nerezident države članice o kojoj se radi.

Zakonom o oružju RCG je propisano da se odredbe tog zakona odnose i na strance kojima je odobreno stalno nastanjenje ili privremeni boravak duži od jedne godine, ako međunarodnim ugovorom nije drugačije određeno.²⁰ Domaće zakonodavstvo ne sadrži posebne odredbe vezane za transfer i predaju vatrenog oružja u, i između država članica, ali sadrži neke odredbe koje bi se mogle primjeniti u ovom smislu, npr. Glava VIII. zakona o oružju koji reguliše prevoz oružja i municije.

¹⁷ Član 21, Zakon o oružju RCG (*Službeni list RCG*, 49/2004, 27.07.2004.)

¹⁸ Član 24, Zakon o oružju RCG (*Službeni list RCG*, 49/2004, 27.07.2004.)

¹⁹ Član 25, Zakon o oružju RCG (*Službeni list RCG*, 49/2004, 27.07.2004.)

²⁰ Član 1, stav 3, Zakon o oružju RCG (*Službeni list RCG*, 49/2004, 27.07.2004.)

Budući da Zakon o oružju ne sadrži veliki broj odredbi koje se konkretno odnose na transfer ili predavanje oružja u i među državama članica to će sledeći dio ovog izvještaja biti u većem dijelu upućen na analizu Direktive u pogledu ovih odredbi, čiji barem minimalni standardi trebaju naći primjenu u domaćem zakonodavstvu.

Direktiva predviđa detaljnu proceduru koju je potrebno proći prilikom transfera vatrenog oružja iz jedne u drugu državu članicu. Ova procedura se prije svega odnosi na obavezu lica koje obavlja transfer da, prije nego se transfer izvrši, dostavi sledeće podatke državi članici u kojoj se nalazi vatreno oružje:

- imena i adrese lica koje prodaje ili raspolaže oružjem i lica koje ga kupuje ili stiče, ili, ako je moguće vlasnika;
- adresa gdje je potrebno uručiti ili transportovati oružje;
- broj oružja koja se uručuju ili transportuju;
- detalje pomoću kojih je moguće identifikovati oružje uz napomenu da je izvršena provjera oružja u skladu sa Konvencijom o uzajamnom priznanju obilježavanja kratkog oružja, koja je donešena 01.07. 1969.
- Sredstvo prevoza
- Datum polaska i očekivani datum dolaska.²¹

Država članica takođe ima obavezu da razmotri uslove pod kojim se transfer obavlja, naročito u pogledu bezbjednosti, a kada država članica odobri taj transfer, ona izdaje dozvolu u kojoj se nalaze svi gore pomenuti podaci. Ta dozvola mora pratiti oružje sve dok ne bude izvršen transfer na određenu destinaciju²²

Zakon o oružju predviđa sadržinu zahtjeva za izdavanje odobrenja za prevoz oružja i municije koji sadrži osam stavki koje su veoma slični podacima iz Direktive (naziv i adresa pošiljaoca, primaoca i proizvođača oružja; vrsta, marka, fabrički broj, kalibar, količina i način pakovanja oružja; oznaka vrste transportnog sredstva; datum i vrijeme početka prevoza, smjer kretanja i odredište; naziv ulaznog i izlaznog graničnog prelaza i vrijeme kada će oružje i municija biti prevezeni preko graničnog prelaza; mjere bezbjednosti za vrijeme prevoza oružja.)²³ Zakon reguliše da nadležan organ za izdavanje odobrenja za prevoz oružja može, prema potrebi, narediti preduzimanje i posebnih mjera bezbjednosti prilikom prevoza oružja (smjer kretanja, pratnja pošiljaoca ili prevoznika, pratnja policije i dr.).²⁴

U skladu sa Direktivom država članica daje drugim državama članicama listu oružja čiji transfer na njihovu teritoriju se ne može obaviti bez prethodnog odobrenja. Ukoliko procedura koja je predviđena nije primjenjena, posjedovanje vatrenog oružja tokom putovanja kroz dvije ili više država članica nije dozvoljeno ukoliko lice nije dobilo odobrenje od svake od tih država članica. Države članice mogu dati to odobrenje za jedno ili više putovanje za najduže jednu godinu, ali je moguće to odobrenje produžiti. Neophodno je to odobrenje navesti u Evropskoj propusnici za vatreno oružje.

²¹ Član 11, stav 2, Direktiva Savjeta EU o kontroli nabavke i posjedovanja oružja 91/477/EEC, 18.06.1991.

²² Ibid

²³ Vidi, Član 63, Sadržaj zahtjeva za izdavanje odobrenja za prevoz oružja i municije, Zakon o oružju RCG (Službeni list RCG, 49/2004, 27.07.2004.)

²⁴ Ibid

Direktiva predviđa neka odstupanja za lovce (vezano za kategorije oružja pod C i D) i lica koja se bave streljaštvom (vezano za kategorije oružja pod B, C i D) gdje ova lica za ove kategorije oružja mogu bez prethodnog odobrenja biti u posjedu jednog ili više oružja klasifikovanih u ovim kategorijama tokom putovanja kroz dvije ili više država članica a da bi se bavile tim aktivnostima. Lovci i lica koja se bave streljaštvom moraju posjedovati Evropsku propusnicu za vatreno oružje u kojoj je to oružje evidentirano i koja sadrži razloge za to putovanje, te ako je potrebno oni su dužni da stave na uvid pozivno pismo. Međutim ovo ne važi ako država u koju se putuje zabranjuje nabavku i posjedovanje vatrenog oružja ili je za njega potrebno odobrenje. U tom slučaju, neophodno je unijeti napomenu o tome u Evropsku propusnicu za vatreno oružje.²⁵

²⁵ Član 12, stav 2, Direktiva Savjeta EU o kontroli nabavke i posjedovanja oružja 91/477/EEC, 18.06.1991.

- **Ostale odredbe**

Direktiva ne ograničava države članice da sklope sporazume o međusobnom priznavanju nacionalnih zakonskih propisa, kojima se omogućuje fleksibilnije kretanje lica u posjedu oružja kroz njihove teritorije.²⁶

Direktiva predviđa razmjenu svih korisnih informacija koje se tiču transfera oružja između država članica.²⁷ Ove informacije trebaju biti razmjenjene prije nego se izvrši transfer u državu članicu koja je država odredišta ili tranzita.²⁸

Takodje je predviđeno i formiranje mreže za razmjenu informacija²⁹ kao i obaveza država članica da razmjenjuju informacije sa drugim državama članicama, nacionalnom komisijom koja je odgovorna za prenos i prijem informacija i za primjenu procedure iz člana 11.

U nacionalnom zakonodavstvu država treba da usvoji sve bitne odredbe kojima se zabranjuje ulazak na njenu teritoriju:

- Vatrenog oružja, osim u slučajevima određenim u članovima 11 i 12 i pod uslovom da su ispunjeni uslovi koji su postavljeni;
- Oružja, osim vatrenog oružja, koje odredbe države članice dozvoljavaju

Država članice trebaju da pojačaju kontrolu nad posjedovanjem oružja na spoljnim granicama Zajednice da bi se osiguralo da putnici iz zemalja koje nisu države članice postupaju u skladu sa članom 12. Država članica treba da obavijesti komisiju o načinu na koji se sprovodi kontrola, a ova komisija će dobijene informacije prosljediti ostalim državama članicama. Država članica ima obavezu da obavijestiti Evropsku komisiju o svojim nacionalnim odredbama, uključujući i izmjene koje se tiču nabavke i posjedovanja oružja. Komisija te informacije prosljeđuje drugim državama članicama.³⁰

Direktiva ne predviđa konkretno visine kazni za kršenje odredbi koje proizilaze iz Direktive, a koje su usvojene u nacionalnim zakonodavstvima, ali napominje da te kazne moraju biti dovoljne i takve da spriječe postupanje suprotno ovim odredbama.³¹

Evropska Komisija podnosi izvještaj Evropskom parlamentu i Savjetu o implementaciji odredbi Direktive koje su prethodne prenete u nacionalno zakonodavstvo u roku od 5 godina od momenta prenošenja odredbi Direktive u nacionalni zakon.³²

²⁶ Član 12, stav 3., Direktiva Savjeta EU o kontroli nabavke i posjedovanja oružja 91/477/EEC, 18.06.1991.

²⁷ Član 13, stav 1, Direktiva Savjeta EU o kontroli nabavke i posjedovanja oružja 91/477/EEC, 18.06.1991.

²⁸ Član 13, stav 2, Direktiva Savjeta EU o kontroli nabavke i posjedovanja oružja 91/477/EEC, 18.06.1991.

²⁹ Direktivom je predviđeno da je krajnji rok za formiranje mreže za razmjenu informacija među državama članicama 01.01. 1993 .

³⁰ Član 15, stavovi 1,3 i 4. Direktiva Savjeta EU o kontroli nabavke i posjedovanja oružja 91/477/EEC, 18.06.1991.

³¹ Član 16., Direktiva Savjeta EU o kontroli nabavke i posjedovanja oružja 91/477/EEC, 18.06.1991.

³² Član 17., Direktiva Savjeta EU o kontroli nabavke i posjedovanja oružja 91/477/EEC, 18.06.1991.

Zaključak:

Evropska Unija predstavlja između ostalog oblast bez unutrašnjih granica u kojoj se vrši slobodno kretanje lica, dobara, usluga i kapitala. Ukidanju carinskih formalnosti prethodilo je ispunjenje određenih standarda od strane država članica u pogledu bezbjednosti i sigurnosti. Usaglašavanje nacionalnog zakonodavstva sa propisima EU posebno u pogledu bezbjednosti predstavlja jedan od osnovnih uslova za integraciju Crne Gore u EU. Direktiva 91/477/EEC koja je usvojena 18 Juna 1991 predstavlja minimalne standarde u pogledu kontrole nabavke i posjedovanje oružja koji moraju biti ispunjeni od strane svake države članice EU kao i od onih država koje teže da to postanu. Crna Gora treba usaglasiti svoju nacionalnu regulativu, a posebno odredbe Zakona o oružju sa minimalnim standardima iz Direktive. Direktiva ne ograničava države članice da razviju strožije oblike kontrole nabavke i posjedovanja oružja.

Direktiva 91/477/EEC na samom početku predviđa kategorizaciju vatrenog oružja i to: oružje čija su nabavka i posjedovanje zabranjeni, oružje za čiju nabavku i posjedovanje je potrebno odobrenje, oružje za koje je potrebna prijava nadležnom organu. To su kategorije oružja A, B i C, a Direktiva predviđa i kategoriju oružja D-ostalo oružje. Zakon o oružju RCG propisuje kategoriju zabranjenog oružja koja je usklađena sa minimalnim standardima Direktiva, te propisuje još 5 vrsta oružja čiji su nabavka i posjedovanje zabranjeni. Međutim trebalo bi usvojiti istu formulaciju kao iz Direktive da ne bi došlo do različitih tumačenja prilikom primjeni odredbe i ocjene usklađenosti sa standardima Direktive.

Što se tiče kategorije oružja B i C ne može se reći da lista oružja ispunjava minimalne standarde Direktive, i potrebno je Zakonom o oružju tačno navesti, na jednom mjestu, za koje je oružje potrebno odobrenje, a za koje prijava nadležnom organu, kako je to uostalom Zakonom učenjeno sa kategorijom A- zabranjeno oružje. Sačinjavanje tačne kategorizacije oružja uslovljava i ispunjene velikog broja ostalih odredbi Direktive koje su vezane za gore navedenu kategorizaciju oružja.

Uvođenje Evropske propusnice za vatreno oružje će biti novi institut u nacionalnom zakonodavstvu čije uvođenje treba biti predviđeno novim zakonom ili izmjenama i dopunama postojećeg zakona. Minimalni standardi u pogledu forme i sadržine ove isprave su predviđeni Direktivom i analizirani su u ovom izvještaju.

Što se tiče nabavke i posjedovanja oružja od strane fizičkih lica, dilera ili trgovca nacionalno zakonodavstvo ispunjava minimalne standarde za izdavanje dozvole ili odobrenja za nabavku i posjedovanje oružja, ali ne sadrži jasne odredbe o kategorijama oružja za koje se to odnosi već se predmet nabavke označava odrednicom "oružje".

Nacionalni zakon, kao što je već navedeno, mora izvršiti jasnu kategorizaciju oružja, pa na osnovu te kategorizacije usaglasiti ostale odredbe koje se tiču nabavke i posjedovanja oružja. Zakonom nije predviđena obaveza privrednog društva ili preduzetnika da redovno vodi registar o vatrenom oružju koje nabavlja ili posjeduje, niti obaveza o vođenju evidencije o dobavljaču i licu koje pribavlja oružje. Ova obaveze trebaju biti predviđene nacionalnim zakonom u skladu sa standardima Direktive, kako bi se na taj način vršila evidencija o licima koje se bave ovim aktivnostima kao olakšala kontrola i identifikacija oružja.

Zakonom o oružju RCG treba biti predviđen i niz odredbi koje se odnose na transfer i predaju oružja u i između država članica EU. Pored odredbi koje se tiču transfera i predaje oružja, treba ispuniti i minimalne standarde koji se odnose na saradnju među državama članicama u pogledu razmjene informacija koje se tiču kontrole nabavke i posjedovanja vatrenog oružja.

Direktiva ne propisuje minimalne standarde u pogledu visine kazni za kršenje ovih odredbi, ali predviđa da one moraju biti takve da sprječe ponašanje suprotno propisima.

Država ima obavezu da u roku od pet godina od dana prenošenja ove Direktive u nacionalni zakon, izvesti komisiju, koja zatim podnosi izvještaj o uspješnosti primjene odredbi Direktive Evropskom parlamentu i Savjetu. Na taj način EU kontroliše primjenu odredbi Direktive od strane države članice i stiče uvid u uspješnost njene implementacije.

Tab 1. KOMPARATIVNA ANALIZA PRAVNOG OKVIRA

TEMA	Odredbe Direktive EU 91/477/EEC	Odredbe zakona o oružju RCG	Preporuke
<p>Zabranjeno oružje (Kategorija A)</p>	<p>1. Eksplozivni vojni projektili ispaljivači 2. Automatsko oružje 3. Oružje zamaskirano u neke druge predmete 4. Municija sa prodornim, eksplozivnim i zapaljivim projektilima, i projektili za koje se ta municija koristi 5. Municija za pištolj i revolver sa proširenim projektilima i projektili za takvu municiju, osim u slučaju kada se radi u oružju za lov ili streljaštvo i kada ga koriste lica koja imaju odobrenje za to</p>	<p>1. Sve vrste automatskog oružja 2. ostalo polu-automatsko oružje čiji kapacitet magacina je veći od 5 metaka, osim puške kalibra 22 LR 3. sve vrste oružja sa ugrađenim prigušivačem, prigušivači za upotrebu sa oružjem i komponente prigušivača 4. Teleskopski nišani sa svjetlosnim snopom ili uređajem za elektronsko pojačavanje svjetlosti ili infracrveno oružje 5. oružje namijenjeno izbacivanju eksplozivnih projektila 6. oružje koje ima oblik predmeta druge namjene, tako da po svom spoljem izgledu nije prepoznatljivi kao oružje 7. rasprskavajuće oružje 8. municija čija je osnovna namjena probijanje oklopa, municije sa eksplozivnim, zapaljivim ili</p>	<p>Dio zakona o oružju koji regulise kategoriju A odnosno, zabranjeno oružje je usaglašen sa Direktivom 91/477/EEC. Ne samo da ispunjava minimalne standarde propisane ovom Direktivom, već i propisuje još 5 vrsta oružja čija su nabavka i posjedovanje zabranjeni. Zabranjeno oružje u ovom zakonu nesumnjivo je isto oružje koje je navedeno u Direktivi pod kategorijom A. Preporuka se odnosi na usaglasavanje formulacija i naziva za vrste oružja da bi se izbjegle nejasnoće i prozvoljna tumačenja.</p>

		<p>otrovnim projektilima</p> <p>9. municija za koju nije pribavljeno odobrenje za stavljanje u promet prema odredbama posebnih propisa</p> <p>10. bodež-skakavac čije se sječivo nalazi pod pritiskom sabijene opruge, a iz drške iskače pritiskom na dugme, ili polugu bokser ili metalne zvjezdice (šurike za bacanje)</p>	
<p>Oružje za koje je potrebno odobrenje (Kategorija B)</p>	<p>1. Polu-automatsko ili repetirajuće oružje</p> <p>2. Kratko oružje za jedinačnu paljbu sa kapislom za ispaljivanje</p> <p>3. Kratko oružje za jedinačnu paljbu sa kapislom za ispaljivanje čija ukupna dužina ne prelazi 28 cm</p> <p>4. Polu-automatsko dugo oružje čiji magacin i komora mogu sadržati više od 3 metka.</p> <p>5. Polu-automatsko dugo vatreno oružje čiji magacin i komora ne mogu sadržati više od 3 metka pri čemu je okvir za municiju moguće ukloniti i gdje nije sigurno da li je moguće promijeniti to oružje, uz pomoć običnog alata, u neko drugo oružje čiji magacin i komora mogu sadržati više od 3 metka</p> <p>6. Repetirajuće polu-automatsko dugo oružje sa glatkom unutrašnjošću cijevi čija dužina nije veća od 60 cm</p> <p>7. Polu-automatsko oružje za civilnu upotrebu koje</p>	<p>1. oružje i lukovi sa silom natege manjom od 45 kg (100 funti)</p> <p>2. oružje punjeno omamljujućim supstancama (za privremeno omamljivanje životinja ili u naučne svrhe)</p> <p>3. staro oružje (u slučaju sakupljanja više od 3 primjerka takvog oružja)</p> <p>4. hladno oružje, automatsko i polu-automatsko oružje koje vojska ili policija više ne upotrebljavaju, ili koje je onesposobljeno za stalno (ako je dozvola za sakupljanje starog oružja već izdata)</p> <p>5. municija za oružje</p>	<p>Postojeći zakon ne ispunjava minimalne standarde propisane Direktivom. U zakonu o oružju RCG ne postoji jasna lista vrsta oružja za koje je potrebno odobrenje, već su odredbe o oružju koje potpadaju pod ovu kategoriju rasute u više članova zakona. Preporučuje se da se lista oružja za koju je potrebno odobrenje proširi sa oružjem koje spada u ovu kategoriju u skladu sa odredbama Direktive. Na osnovu toga potrebno je napraviti jedinstvenu i jasnu listu oružja za koju je potrebno odobrenje u skladu sa odredbama Direktive, kako je to i nacionalnim zakonom učinjeno u pogledu kategorije A-zabranjeno oružje.</p>

	može biti slično oružju sa automatskim mehanizmom		
Oružje za koje je potrebna prijava nadležnom organu (Kategorija C)	<p>1. Repetirajuće dugo oružje osim onog navedenog u kategoriji B, tačka 6</p> <p>2. Dugo oružje za jedinačnu paljbu sa užljebljenom cijevi</p> <p>3. Polu-automatsko dugo oružje osim onog u kategoriji B, pod tačkama 4-7</p> <p>4. Kratko vatreno oružje za jedinačnu paljbu sa kapislom za ispaljivanje čija ukupna dužina nije manja od 28 cm</p>	1. Opšti termin <i>oružje i municija</i> za čiju nabavku i posjedovanje je potrebna prijava nadležnom organu	Zakon ne propisuje nijednu vrstu oružja koje spada u ovu kategoriju. Umjesto toga, definiše situacije u kojima je lice u obavezi da informiše nadležni organ o nabavci i posjedovanju oružja. Predmet ove obaveze je nazvan oružje. Naravno, potrebno je sačiniti jasnu listu oružja koje je potrebno prijaviti da bi nacionalni zakon bio u skladu sa Direktivom.
Ostalo oružje (Kategorija D)	1. Dugo oružje za jedinačnu paljbu sa glatkom unutrašnjošću cijevi	Zakonom nije predviđena ova kategorija oružja	Zakon ne sadrži kategoriju D (ostalo oružje) Potrebno je zakonom predvidjeti ovu kategoriju oružja u skladu sa standardima Direktive.
Nabavka i posjedovanje oružja od strane fizičkog lica	<p>Član 5, Direktiva EU: Država članica može dozvoliti nabavku i posjedovanje oružja iz kategorije B licima koji imaju opravdan razlog i koja:</p> <p>A) imaju 18 ili više godina, osim za lov i streljaštvo</p> <p>B) neće dovesti u opasnost sebe, javni red i javnu bezbjednost</p> <p>Takođe se navodi da država članica dozvoljava posjedovanje oružja iz kategorije C samo licima koja zadovoljavaju uslove iz tačke A i da dozvola za držanje oružja može biti opozvana ako neki od uslova iz tačke B nisu zadovoljeni</p>	Sažet pregled članova 17, 18 i 19 Zakona o oružju: lice mora biti starije od 21 godine, protiv njega se ne smije voditi prekršajni ili krivični postupak, niti smije biti osuđen u tim postupcima, okolnosti koje ukazuju na zloupotrebu oružja ne smiju postojati. Zakon takođe propisuje opravdane razloge za nabavku oružja, uvjerenje o zdravstvenoj sposobnosti i obuci u rukovanju oružjem. Zakon predviđa da	Zakon propisuje niz uslova koji moraju biti ispunjeni da bi nadležni organ mogao da izda dozvolu za nabavku oružja. Ovi uslovi su potpuno u skladu sa Direktivom, a u nekim dijelovima je i prevazilaze. Međutim, predmet nabavke se naziva opštom formulacijom <i>oružje</i> osim kada se radi o uslovima obuke za rukovanje oružjem. U tom slučaju, jasno je određeno na koje vrste oružja se odnose ti uslovi. Međutim, ne može se zaključiti da li se dozvola koja se izdaje fizičkom licu odnosi samo na ove tri vrste

		<p>nadležni organ može oduzeti oružni list ako neki od ovih uslova nisu zadovoljeni.</p> <p>Član 20 glasi da je uvjerenje o obučenosti za rukovanje oružjem potrebno za sljedeće 3 vrste oružja:</p> <p>1.lovačko oružje – sa uvjerenjem o položenom lovačkim ispitu</p> <p>2. sportsko oružje – sa uvjerenjem sportske streljačke organizacije o aktivnom članstvu</p> <p>3.za kratko vatreno oružje-sa uvjerenjem o osposobljenosti za držanje, nošenje i pravilnu upotrebu oružja izdaje Ministarstvo</p>	<p>oružja ili i na neke druge vrste čija nabavka i držanje nisu zabranjeni? Ovom preporukom se ukazuje na potrebu da se ustanovi jasna lista oružja za koje se fizičkom lisu može izdati dozvola za nabavku i posjedovanje u skladu sa odredbama Direktive, da bi se izbjegla proizvoljna tumačenja Zakona.</p>
<p>Nabavka i posjedovanje oružja (Diler)</p>	<p>Član 4 Direktive EU, U pogledu kategorija B i C, svaka država članica prati djelatnosti dilera na svojoj teritoriji, a odobrenje se izdaje na osnovu provjere ličnog i profesionalnog integriteta dilera. Što se tiče kategorija C i D, država članica u kojoj već nije potrebno odobrenje, uvodi obavezu prijave oružja nadležnom organu.</p>	<p>Članovi 21, 24 i 25 propisuju da se privrednim društvima i preduzetnicima izdaje odobrenje za nabavku oružja. Zakon takođe propisuje formu tog odobrenja, ali ne naglašava za koje kategorije oružja se ono izdaje.</p> <p>Moguće je odobriti kupovinu municije na osnovu oružnog lista. Autorizovani diler oružja obavještava nadležni organ o prodaji oružja u</p>	<p>Nacionalni zakon naglašava da je za kupovinu oružja privrednim društvima i preduzetnicima potrebno odobrenje, što je u skladu sa Direktivom.Međutim, nije jasno definisana kategorija oružja na koju se ta obaveza odnosi. Preporučuje se da se odobrenja za nabavku i posjedovanje oružja od strane dilera veze za konkretnu kategoriju oružja na koju se odobrenje odnosi. Kao i u gore navedenim preporukama klasifikacija oružja u</p>

		roku od 8 dana od dana prodaje.	nacionalnom zakonu javlja se kao početna premisa i preduslov za dalje ispunjavanje standarda Direktive. Kada se izvrši jasna kategorizacija oružja u skladu sa minimalnim standardima Direktive, usaglašavanje odredbi nacionalnog zakona sa odredbama Direktive u pogledu ovih kao i svih ostalih odredbi biće znatno lakše i jednostavnije.
Oduzimanje odobrenja za posjedovanje vatrenog oružja	<p>Član 5, Direktive EU: Država članica može dozvoliti nabavku i posjedovanje oružja iz kategorije B licima koji imaju opravdan razlog i koja:</p> <p>A) imaju 18 ili više godina, osim za lov i streljaštvo</p> <p>B) neće dovesti u opasnost sebe, javni red i javnu bezbjednost .</p> <p>Stav 2: Države članice dozvoljavaju posjedovanje oružje iz kategorije C i D samo licima koja zadovoljavaju uslove iz tačke A u prvom stavu.</p> <p>Stav 3: Države članice mogu opozvati odobrenje za posjedovanje oružja ako neki od uslova iz tačke B u prvom stavu nisu zadovoljeni.</p>	<p>Sažet pregled članova 17, 18 i 19 Zakona o oružju: lice mora biti starije od 21 godine, protiv njega se ne smije voditi prekršajni ili krivični postupak, niti smije biti osudjen u tim postupcima, okolnosti koje ukazuju na zloupotrebu oružja ne smiju postojati. Zakon takođe propisuje opravdane razloge za nabavku oružja, uvjerenje o zdravstvenoj sposobnosti i obuci u rukovanju oružjem. <i>Zakon predviđa da nadležni organ može oduzeti oružni list ako neki od ovih uslova nisu zadovoljeni.</i></p> <p>Član 20 glasi da je uvjerenje o obučenosti za rukovanje oružjem potrebno za sljedeće 3 vrste</p>	<p>Zakon propisuje niz uslova koji moraju biti ispunjeni da bi nadležni organ izdao dozvolu za nabavku i posjedovanje oružja. Ovi uslovi su u skladu sa Direktivom i čak u nekim djelovima prevazilaze njene odredbe. Međutim, predmet nabavke je označen kao oružje, osim kada se radi o obučavanju za rukovanje oružjem, u tom slučaju je jasno određeno na koje se vrste oružja uslovi odnose. Preporučuje se sastavljanje jasne liste oružja za koje se fizičkom licu može izdati dozvola za nabavku i posjedovanje da bi se izbjegla proizvoljna tumačenja zakona. <i>Uspostavljanjem liste oužja za koje se fizičkom licu može izdati dozvola, istovremeno će se regulisati i proces oduzimanja dozvole koji u skladu sa minimalnim standardima Direktive.</i></p>

		<p>oružja:</p> <p>1.lovačko oružje – sa uvjerenjem o položenom lovačkim ispitu</p> <p>2. sportsko oružje – sa uvjerenjem sportske streljačke organizacije o aktivnom članstvu</p> <p>3.za kratko vatreno oružje-sa uvjerenjem o osposobljenosti za držanje, nošenje i pravilnu upotrebu oružja izdaje Ministarstvo</p> <p>Član 50, "Razlozi za oduzimanje oružja, municije isprava o oružju. Nadležni organ oduzeće oružje, municiju i isprave o oružju ako nastupi neka od smetnji iz člana 17.stav 1.tačka 2 do 5 ovog zakona."</p>	
<p>Transport vatrenog oružja preko granica/ Propusnica za vatreno oružje</p>	<p>Član 1, stav 4: "Evropska propusnica za vatreno oružje je isprava koja se izdaje, na zahtjev koji se podnosi organima države članice, licu koje zakonito posjeduje i koristi vatreno oružje. Period važenja ove propusnice je najduže pet godina, s mogućnošću produžetka. Evropska propusnica za vatreno oružje je isprava koja se ne može prenijeti na drugo lice. U njoj se nalaze podaci o oružju i vlasniku oružja. Lice koje koristi oružje uvijek mora uz oružje nositi i ovu propusnicu. Promjene u posjedovanju ili karakteristikama vatrenog</p>	<p>Zakon predviđa izdavanje tzv. Oružnog lista za držanje i nošenje oružja: njegovu formu, rok važenja, odbijanje zahtjeva za izdavanje oružnog lista itd. Zakon nema odredbi koje se odnose na transport vatrenog oružja među državama članicama EU, niti reguliše formu i sadržinu propusnice za vatreno naoružanje koja služi za</p>	<p>Evropska propusnica za vatreno oružje predstavlja jedan od minimalnih standarda čija forma i sadržina moraju biti ispunjeni od svake države članice. Ova propusnica obezbjeđuje olakšano putovanje među državama članicama. Nešto drugačija pravila važe za oružje koja služe za lov ili streljaštvo, što je u gornjem tekstu detaljno elaborisano, a u cilju izbjegavanja ograničavanja slobodnog kretanja</p>

	<p>oružja moraju biti navedene u propusnici, kao o gubitak ili krađa vatrenog oružja. Evropska propusnica za vatreno oružje mora sadržati sljedeće podatke:</p> <ul style="list-style-type: none"> g) podaci o vlasniku; h) identifikaciju oružja ili vatrenog oružja uključujući podatak kojoj kategoriji to oružje pripada u smislu ove Direktive; i) period važenja propusnice; j) dio koji popunjava država članica koja izdaje propusnicu (vrsta i reference odobrenja itd.); k) dio koji popunjavaju druge države članice (odobrenje za ulazak u njihove teritorije itd.) l) izjave: <p>Da bi se ostvarilo pravo putovanja u drugu državu članicu, sa jednim ili više oružja iz kategorija B, C i D koja su navedena u propusnici neophodno je prethodno dobiti odgovarajuća odobrenja od</p>	<p>transport vatrenog oružja među državama članicama EU.</p>	<p>ljudi više nego što je to potrebno. Da bi ispunila minimalne standarde u pogledu odredbi Direktive nacionalnim zakonodavstvom mora biti predviđeno uvođenje Evropske propusnice za vatreno oružje čija ce forma i sadržina korespondirati sa standardima Direktive koji su prethodno navedeni. Budući da je Evropska propusnica za vatreno oružje vezana za kategorije oružja za koje se izdaje, prevashodno se mora izvršiti kategorizacija oružja u skladu sa odredbama Direktive, te onda pristupiti propisivanju forme i sadržine ove propusnice.</p>
--	---	--	--

	<p>država članica u koje se putuje. Ovo ili ova odobrenja se mogu evidentirati u propusnici. Prethodno odobrenje pomenuto u gornjem tekstu u principu nije potrebno ako lice putuje sa vatrenim oružjem iz kategorija C i D da bi se bavilo lovom ili za vatreno oružje iz kategorija B, C ili D ukoliko lice učestvuje u streljaštvu pod uslovom da to lice koje putuje posjeduje propusnicu za vatreno oružje i da navede razloge putovanja.</p> <p>Ako je država članica obavjestila drugu državu članicu, u skladu sa članom 8, stav 3, da je posjedovanje određenog vatrene oružja iz kategorija B, C ili D zabranjeno, ili je za njega potrebno odobrenje, potrebno je dodati jednu od sljedećih rečenica:</p> <p>- putovanje u(Država/e u koju se putuje) sa oružjem...../identifikacija/ je zabranjeno</p> <p>- putovanje u(Država/e u koju se putuje) sa oružjem...../identifikacija/ zahtjeva izdavanje odobrenja</p>		
<p>Transfer oružja preko granice</p>	<p>Član 11, stav 2 Direktive EU: Direktiva predviđa detaljnu proceduru koju treba proći kada se vrši transfer vatrene oružja iz jedne u drugu državu članicu, odnosno lice koje obavlja transfer je obavezno da, prije nego se transfer obavi dostavi, sljedeće podatke državama članicama u</p>	<p>Zakon o oružju ne predviđa proceduru koju je potrebno proći u smislu izdavanja odobrenja za transfer oružja među državama članicama. Međutim zakon, u članu 63, predviđa</p>	<p>Zakon o oružju RCG ne sadrži posebne odredbe o transferu oružja u, i između država članica. Zakon u Glavi VII reguliše prevoz oružja i municije i predviđa između ostalog i formalnosti zahtjeva za izdavanje odobrenja za</p>

	<p>kojima se nalazi vatreno oružje:</p> <ol style="list-style-type: none"> 1. imena i adrese lica koje prodaje ili raspolaže oružjem i lica koje ga kupuje ili stiče, ili, ako je moguće vlasnika 2. adresa gdje je potrebno uručiti ili transportovati oružje 3. broj oružja koja se uručuju ili transportuju 4. detalji pomoću kojih je moguće identifikovati oružje i napomenu da je izvršena provjera nad oružjem u skladu sa Konvencijom o uzajamnom priznanju obilježavanja kratkog oružja, usvojenom 01.07. 1969. 5. Sredstvo prevoza 6. Datum polaska i očekivani datum dolaska. <p>Ove informacije je potrebno obezbjediti u slučaju transfera između dva dilera. Država članica mora ispitati uslove tog transfera, naročito u pogledu sigurnosti. Kada država članica odobri taj transfer, izdaje dozvolu sa svim podacima u njoj, kao što je navedeno u prvom podstavu. Ta dozvola prati transfer do destinacije. Potrebno je staviti na uvid kad god to organi države članice zahtijevaju.</p> <p>Član 12: Ako procedura iz člana 11 nije ispoštovana, zabranjeno je posjedovanje oružja kroz dvije ili više države članice, osim ako lice nije dobilo odobrenje od tih država članica. Država članica može izdati odobrenje za dva ili više putovanja za najduži period od godinu dana, s</p>	<p>formalnosti koje mora da sadrži zahtjev za izdavanje odobrenja za prevoz oružja i municije, i to:</p> <ol style="list-style-type: none"> 1. ime i adresa pošiljaoca 2. ime i adresa pošiljaoca 3. ime i adresa proizvođača oružja 4. vrsta oružja, robna marka, serijski broj, količina, način pakovanja oružja, 5. datum i vrijeme početka transporta, sredstvo prevoza, pravac kretanja i odredište. 6. ime ulazne i izlazne granice, vrijeme kada će oružje i municija biti prevezeni preko granice 7. mjere bezbjednosti tokom transporta oružja. <p>Nadležni organ za izdavanje odobrenja za prevoz oružja može, prema potrebi, narediti preduzimanje i posebnih mjera bezbjednosti prilikom prevoza oružja (smjer kretanja, pratnja pošiljaoca ili prevoznika, pratnja policije i dr.).</p>	<p>prevoz oružja i municije koje u značajnom dijelu korespondiraju sa minimalnim standardima Direktive. Preporučuje se da nacionalnim zakonom predvidi obaveza da oružje prođe provjeru u skladu sa Konvencijom o uzajamnom priznanju i obilježavanju kratkog oružja iz 1969 godine, a prije izdavanja odobrenja za ovu prevoz oružja i municije. Preporučuje se takođe da država u skladu sa Direktivom predvidi fleksibilnija pravila u odnosu na lov i streljaštvo, da bi se spriječilo onemogućavanje slobodnog kretanja lica više nego je neophodno. Ta se pravila odnose na lovce, za kategorije C i D, I lica koja se bave streljaštvom, za kategorije B, C i D, koja mogu <i>bez prethodnog odobrenja</i> posjedovati oružje tokom putovanja kroz 2 ili više države članice da bi se bavili ovim aktivnostima, pod uslovom da su ti podaci navedeni u Evropskoj propusnici za vatreno oružje i da mogu da navedu razloge za putovanje, i stave na uvid pozivno pismo. Država može zaključiti sporazume uzajamnom priznanju</p>
--	---	---	--

	<p>mogućnošću produžetka. To odobrenje se navodi u Evropskoj propusnici za vatreno oružje, i putnik je mora staviti na uvid kada god to organi države članice zahtijevaju.</p> <p>2. Bez obzira na stav 1, lovci (u pogledu kategorije C i D) i lica koja se bave streljaštvom (kategorije B, C,D) mogu bez prethodne dozvole posjedovati jedno ili više oružja iz ove kategorije tokom putovanja kroz dvije ili više država članica da bi se bavila ovim djelatnostima, pod uslovom da posjeduju Evropsku propusnicu za vatreno oružje u kojoj je to oružje evidentirano i da mogu da navedu razloge za to putovanje, te da stave na uvid i pozivno pismo. Ovo odstupanje se ne primjenjuje ako država članica zabranjuje nabavku i posjedovanje oružja za koje je u skladu sa članom, 8, stavom 2 potrebno odobrenje. U tom slučaju, jasna izjava koja to objašnjava mora biti evidentirana u propusnici.</p> <p>3. U skladu sa ugovorom o međusobnom priznanju nacionalnih dokumenata, dvije ili više država članica mogu stvoriti uslove za fleksibilniji transfer kroz njihove teritorije nego onaj opisan u ovom članu.</p>		<p>nacionalnih dokumenata kojom će uspostaviti fleksibilnija pravila za kretanje lica koja su u posjedu oružja.</p>
Razmjena informacija	<p>Članovima 12 i 13 Direktive reguliše se oblast razmjene informacija između država članica u pogledu transfera oružja.</p> <p>Direktiva nalaže razmjenu svih korisnih informacija o transferu oružja na teritoriju</p>	<p>Zakon o oružju Republike Crne Gore ne predviđa ovakve obaveze.</p>	<p>Nacionalnim zakonom se trebaju predvidjeti mehanizmi koji će korespondirati sa minimalnim standardima Direktive u pogledu razmjene informacija među</p>

	<p>države članice. Ove informacije se moraju obezbjediti tokom transfera u državu tranzita ili odredišta. Direktiva takođe propisuje uspostavljanje mreže rezmjene informacija i obavezu država članica da pruže informacije drugim državama članicama i nacionalnoj komisiji nadležnoj za prijem i prenos informacija koje se tiču transfera oružja i primjenu predviđenih procedura.</p>		<p>državama članicama. Potrebno je predvidjeti obavezu nadležnog ministarstva (formirati nacionalnu komisiju sa ovim nadležnostima) da razmjeni informacije koje se odnose na transfer vatrenog oružja sa državom sa kojom se transfer obavlja, i to prije transfera u državu članicu tranzita ili konačnog odredišta. Direktiva je predviđala osnivanje mreže za razmjenu informacija do 1 Januara 1993, ova mreža razmjene informacija je već razvijena i potrebno je da joj se država Crna Gora u budućnosti pridruži i da svoj aktivni doprinos. Doprinos bi se u početku sastojao u osnivanju nacionalne komisije koja će biti zadužena komunikaciju među državama članicama, odnosno za prenos i prijem informacija koje se tiču transfera oružja.</p>
<p>Obilježavanje vatrenog oružja</p>	<p>Član 11, stav 2 Direktive: Kada se oružje prevozi u drugu državu članicu, lice koje to obavlja mora prije transporta pružiti sljedeće podatke državi članicu u kojoj se to oružje nalazi: 1. imena, adrese lica koja prodaju i raspolazu oružjem i lica koje kupuje ili pribavlja oružje, i ako je moguće vlasnika 2. adresa na koju se oružje isporučuje ili prevozi 3. broj oružja koje se</p>	<p>Član 63, Zakon o oružju, Zahtjev za izdavanje odobrenja za prevoz oružja i municije mora sadržiti sledeće podatke: 1. ime i adresa pošiljaoca 2. ime i adresa pošiljaoca 3. ime i adresa proizvođača oružja 4. vrsta oružja,</p>	<p>Zakon o oružju u dijelu u kojem regulise zahtjev za izdavanje odobrenja za prevoz oružja i municije predviđa niz formalnosti koje treba ispuniti prije nego se izda odobrenje. Ove formalnosti u velikoj mjeri korespondiraju sa minimalnim standardima Direktive. Preporučuje se dodatno usaglašavanje</p>

	<p>isporučuje ili prevozi 4.podatke koji omogućavaju identifikaciju oružja i napomenu da je oružje provjereno u skladi sa Konvencijom o uzajamnom priznanju i obilježavanju kratkog oružja od 1. Jula 1969.</p> <p>5.sredstvo prevoza Ove informacije je potrebno obezbjediti u slučaju transfera između dilera. Država članica ispituje uslove transfera, naročito iz razloga bezbjednosti. Kada država članica odobri taj transfer, izdaje dozvolu sa svim podacima u njoj, kao što je navedeno u prvom podstavu. Ta dozvola prati transfer do destinacije. Potrebno je staviti na uvid kad god to organi države članice zahtijevaju.</p> <p>3. U slučaju prevoza oružja koje nije ratno, i koje nije definisano u ovoj Direktivi, u skladu sa članom 2, sve države članice mogu dilerima dati odobrenje za transfer sa svoje teritorije do dilera u drugoj državi članici bez prethodnog odobrenja iz stava 2. U tom smislu, izdaje se odobrenje koje važi maksimalno 3 godine, i koje može biti opozvano u svakom trenutku. Dokument koji se odnosi na to odobrenje mora pratiti oružje do konačnog odredišta, mora biti stavljeno na uvid kad god to organi države članice zahtijevaju. Tokom transfera, a ne kasnije, diler pruža sve podatke navedene u prvom podstavu stava 1 organima država članica.</p>	<p>robna marka, serijski broj, količina, način pakovanja oružja, 5. datum i vrijeme početka transporta, sredstvo prevoza, pravac kretanja i odredište. 6. ime ulazne i izlazne granice, vrijeme kada će oružje i municija biti prevezeni preko granice 7. mjere bezbjednosti tokom transporta oružja. Nadležni organ za izdavanje odobrenja za prevoz oružja može, prema potrebi, narediti preduzimanje i posebnih mjera bezbjednosti prilikom prevoza oružja (smjer kretanja, pratnja pošiljaoca ili prevoznika, pratnja policije i dr.).</p>	<p>sa njenim odredbama posebno u dijelu koji se tiče detalja koji omogućavaju identifikaciju oružja. Neophodno je u zakonu predvidjeti i obavezu da oružje prođe provjeru u skladi sa Konvencijom o uzajamnom priznavanju i obilježavanju kratkog oružja. Takođe je neophodno zakonskim putem regulisati da ovako izdata dokumentacija mora pratiti transfer oružja do momenta do kada ono dodje do svog odredišta.</p>
--	---	---	---

	<p>4. Svaka država članica pruža listu sa oružjem koje se ne može prevoziti bez prethodnog odobrenja Član 4 Direktive EU: Svaki diler mora voditi evidenciju u kojoj će se naći informacije vezane za svo vatreno oružje klasifikovano u kategorijama A, B ili C, koje diler prima i kojima raspolaže, uključujući i podatke koji omogućavaju identifikaciju oružja, model, kalibar i serijski broj istog, i imena i adrese dobavljača i lica koje kupuje oružje. Direktiva predviđa takodje i obavezu za državu članicu da redovno vrši provjeru dilera, u skladu sa ovom obavezom, i obavezu dilera da čuva evidenciju u periodu od 5 godina čak i kada prestane da se bavi tom djelatnošću.</p>		
<p>Vođenje evidencije</p>	<p>Član 4, EU Direktive: Direktivom se takođe zahtjeva od dilera vodi evidenciju u kojoj će se naći informacije vezane za svo vatreno oružje klasifikovano u kategorijama A, B ili C, koje diler prima i kojima raspolaže, uključujući i podatke koji omogućavaju identifikaciju oružja, model, kalibar i serijski broj istog, i imena i adrese dobavljača i lica koje kupuje oružje. Direktiva predviđa takodje i obavezu za državu članicu da redovno vrši provjeru dilera, u skladu sa ovom obavezom, i obavezu dilera da čuva evidenciju u periodu od 5 godina čak i kada prestane da se bavi tom djelatnošću.</p>	<p><i>Zakon o oružju ne predviđa obavezu dilera o vođenju registra o vatrenom oružju koje primi ili kojim raspolaže, a sa tim u vezi ne predviđa ni obaveze označavanja oružja koje omogućava identifikaciju oružja, imena, adrese dobavljača i lica koje pribavlja oružje.</i></p>	<p>Potrebno je propisati obavezu privrednog društva ili preduzetnika da redovno vodi evidenciju oružja koje nabavlja ili posjeduje što omogućava lakšu identifikaciju oružja, kao i podatke o dobavljaču, licu koje pribavlja oružje. U skladu sa prethodnom klasifikacijom oružja, potrebno je definisati na koje vrste oružja se ove obaveze odnose kako je to navedeno u Direktivi.</p>

Tab 2: KATEGORIZACIJA VATRENOG ORUŽJA

Tema	Odredbe Zakona o oružju Republike Crne Gore	Direktiva Savjeta EU 91/477/EEC
Zabranjeno vatreno oružje	<ol style="list-style-type: none"> 1. sve vrste automatskog oružja 2. drugo poluautomatsko oružje sa kapacitetom magacina većim od pet metaka, osim pušaka kalibra 22 LR 3. sve vrste oružja sa integralnim prigušivačem, prigušivači namijenjeni oružju i djelovi za prigušivače 4. teleskopski nišani sa svjetlosnim snopom ili sa uređajem za elektronsko pojačavanje svjetlosti ili infra-crevnih uređaja 5. oružje koje je namijenjeno izbacivanju eksplozivnih projektila 6. oružje koje ima predmeta druge namjene, tako da po svom spoljnjem izgledu nije prepoznatljivo kao oružje 7. rasprskavajuće oružje 8. municija čija je osnovna namjena probijanje oklopa, municije sa eksplozivom, zapaljivim ili otrovnim projektilima 8. municija za koju nije pribavljeno odobrenje za stavljanje u promet prema odredbama posebnih propisa 10. bodež-skakavac čije se sječivo nalazi pod pritiskom sabijene opruge, a iz drške iskače pritiskom na dugme ili polugu, boksera i metalnih zvjezdica (suriken za bacanje) 	<p>Kategorija A-zabranjeno oružje</p> <ol style="list-style-type: none"> 1. Eksplozivni vojni projektili i spaljivači 2. Automatsko vatreno oružje 3. Vatreno oružje koje je zamaskirano u neke druge objekte 4. Municija sa prodornim, eksplozivnim ili zapaljivim projektilima, i projektili za tu municiju 5. Municija za pištolj i revolver sa proširenim projektilima i projektili za takvu municiju, osim kada se radi o oružju za lov ili streljaštvo za lica koja imaju odobrenje da ih koriste
Vatreno oružje za koje je potrebno odobrenje	<ol style="list-style-type: none"> 1. vatreno oružje i samostrijeli sa silom natege većom od 45 kg (100 funti) 2. vatreno oružje sa projektilom punjenim omamljujucim materijalom (za 	<p>Kategorija B- Vatreno oružje ze koje je potrebno odobrenje</p> <ol style="list-style-type: none"> 1. Polu-automatsko ili repetirajuće kratko vatreno oružje 2. Kratko oružje za jedinačnu paljbu sa centralnom kapislom za

	<p>omamljivanje životinja i u naučne svrhe)</p> <ol style="list-style-type: none"> 3. staro oružje (u slučaju skupljanja više od tri primjerka ovog oružja) 4. hladno oružje, automatsko i poluautomatsko oružje koje više nije u naoružanju oružanih snaga ili policije, a trajno je onesposobljeno za upotrebu (ukoliko već posjeduje odobrenje za skupljanje starog oružja) 5. municija za vatreno oružje 	<p>ispaljivanje</p> <ol style="list-style-type: none"> 3. Kratko oružje za jedinačnu paljbu sa kapislom za ispaljivanje čija ukupna dužina ne prelazi 28 cm 4. Polu-automatsko dugo vatreno oružje čiji magacin i komora ne mogu imati više od 3 metka, 5. Polu-automatsko dugo vatreno oružje čiji magacin i komora ne mogu imati više od 3 metka pri čemu je okvir za municiju moguće ukloniti, ili gdje nije sigurno da li je moguće oružje promijeniti sa običnim alatom, u oružje čiji magacin i komora mogu ispaliti više od tri puta 6. Repetirajuće i polu-automatsko dugo oružje čija dužina cijevi sa glatkom unutrašnjošću ne prelazi 60 cm 7. Polu-automatsko oružje za civilnu upotrebu koje je slično oružju sa automatskim mehanizmom.
<p>Vatreno oružje za koje je potrebna prijava nadležnom organu</p>	<p>1. Generalna formulacija "oružje i municija" čiju nabavku i posjedovanje je potrebno prijaviti nadležnom organu.</p>	<p>Kategorija C – vatreno oružje za koje je potrebna prijava nadležnom organu</p> <ol style="list-style-type: none"> 1. Repetirajuće dugo oružje, osim onog navedenog u kategoriji B, tačka 6. 2. Dugo vatreno oružje za jedinačnu paljbu i užebljenim cijevima 3. Polu-automatsko naoružanje osim onog navedenoh pod kategorijom B, tačke od 4 do 7 4. Kratko vatreno oružje za

		jedinačnu paljbu sa kapislom ua ispaljivanje čija ukupna dužina je veća od 28 cm
4. Ostalo vatreno oružje		Kategorija D-Ostalo vatreno oružje 1. Dugo vatreno oružje za jedinačnu paljbu sa glatkom unutrašnjosti cijevi

Tab 3: ZNAČENJE IZRAZA³³

Tema	Značenje izraza u smislu Direktive 91/477/EEC	Značenje izraza u smislu Zakona o oružju RCG
Kratko vatreno oružje	Kratko vatreno oružje čija cijev nije duža od 30 cm, ili čija ukupna dužina ne prelazi 60 cm	Kratko vatreno oružje je oružje čija cijev nije duža od 30 cm, a ukupna dužina ne prelazi 60 cm
Dugo vatreno oružje	Dugo oružje znači svako oružje osim kratkog	Dugo vatreno oružje je oružje čija je cijev duža od 30 cm, a ukupna dužina prelazi 60 cm
Automatsko vatreno oružje	Automatsko oružje znači oružje koje se automatski puni nakon svakog ispaljivanja i koje može ispaliti više puta jednim pritiskom na obarač	Automatsko oružje je oružje iz kojeg se jednokratnim pritiskom na obarač ispaljuje više metaka
Polu-automatsko vatreno oružje	Polu-automatsko oružje koje se automatski puni nakon svakog ispaljivanja, a jednim pritiskom na obarač može ispaliti samo jednom	Poluautomatsko oružje je oružje koje je nakon ispaljivanja svakog metka ponovo spremno za ispaljivanje iz cijevi jednokratnim pritiskom na obarač pri čemu je moguće ispaljivati po jedan metak
Repetirajuće vatreno oružje	Repetirajuće oružje znači oružje koje je nakon svakog ispaljivanja potrebno ručno napuniti preko magacina i cilindra	Oružje sa repetirajućim mehanizmom je oružje kod kojeg je nakon ispaljivanja svakog metka potrebno ručno, preko mehanizma, ubaciti metak u cijev
Vatreno oružje za jedinačnu paljbu	Oružje za jedinačnu paljbu je bez magacina i koje se puni ručno prije svakog ispaljivanja u komoru ili udubljenje za punjenje u cijevi	<i>Nema ovakve odrednice</i>
Municija sa prodornim projektilima	Municija sa prodornim projektilima je municija za vojnu upotrebu gdje se projektil izbacuje i ima prodorno jezgro	<i>Nema ovakve odrednice</i> Zakon sadrži sledeću generalnu odrednicu: <i>Municija za vatreno oružje-</i> je cjelovit metak koji sjedinjuje čauru, kapislu, barutno punjenje i zrno ili sačmu. Ne smatra se municijom metak

³³ U ovoj tabeli je izvršeno upoređivanje izraza iz direktive i zakona o oružju RCG, kao i njihova značenja, čije razumijevanje i usklađivanje može biti vrlo važno prilikom prenošenja odredbi Direktive u nacionalno zakonodavstvo.

		bez zrna, kugle ili sačme, punjenje za industrijske naprave i naprave za ubijanje stoke i metak za kazno, odnosno signalno oružje
Municija sa eksplozivnim projektilima	Municija za vojnu upotrebu gdje projektil sadrži punjenje koje eksplodira nakon pritiska	<i>Nema ovakve odrednice</i>
Municija sa zapaljivim projektilima	Municija koja sadrži projektil sa hemijskom smjesom koja eksplodira prilikom kontakta sa vazduhom ili pritiskom	<i>Nema ovakve odrednice</i>